




## RAPORT I VITIT 2022 PËR PROCESIN E KONSULTIMIT PUBLIK TË REALIZUAR NGA MINISTRIA E DREJTËSISË

### 1. Përmbledhje ekzekutive

Gjatë vitit 2022 Ministria e Drejtësisë ka realizuar procesin e konsultimit publik për 3 projektakte të miratuara të cilat ishin objekt i ligjit Nr. 146/2014, “Për Njoftimin dhe Konsultimin Publik. Pra realizimi i procesit të konsultimit publik për vitin 2022 është 100%.

Dy projektligjet dhe një projektvendim të konsultuara gjatë vitit 2022, janë të parashikuar në Planin Vjetor të Konsultimit Publik 2022 për Ministrinë e Drejtësisë.

Fig.1: Projektakte të konsultuara gjatë vitit 2022



Nga monitorimi i platformës së Regjistrimit Elektronik për Njoftimet dhe Konsultimet Publike (RENJK) vihet re se për këto projektakte ka patur një numër vizitorësh në rritje nga publiku duke patur një numër prej 4366 vizitorësh në total për të tre projektaktet për të cilat është zhvilluar konsultimi publik.

Procesi i Konsultimit Publik krahasuar me vitin e kaluar është përmirësuar, format e përzgjedhura të konsultimit kanë rezultuar efektive duke mundësuar mbledhjen dhe reflektimin e reagimeve të palëve të interesit në draftin përfundimtar më qëllim krijimin e projektakteve të gjithëpranuar dhe që reflektojnë interesin e publikut.

Rritja e pjesëmarrjes së qytetarëve në procesin e vendimarrjes nëpërmjet procesit të konsultimit publik mbetet sfida për t'u adresuar edhe më mirë nga institucioni ynë në të ardhmen.

## 2. Analiza e konsultimeve të kryera gjatë vitit 2022

### 2.1. Numri i përgjithshëm i akteve për të cilat janë kryer konsultimet publike


#### 2.1.1 Cili ishte numri i përgjithshëm i akteve të miratuara në një vit të caktuar?

Numri i përgjithshëm i akteve të miratuara nga Ministria e Drejtësisë për vitin 2022 është **26** akte.

Numri i përgjithshëm i projekt-akteve të objekt i konsultimit publik për vitin 2022 nga MD ishte 3 (tre), përkatësisht 2 (dy) projektligje dhe 1 (një) projektvendim. Konkretisht këto janë:

- Projektligji “Për disa shtesa dhe ndryshime në ligjin nr.133/2015 "Për trajtimin e pronës dhe përfundimin e procesit të kompensimit të pronave”;
- Projektligji "Për organizimin dhe funksionimin e shërbimit përmbartimor gjyqësor shtetëror;
- Projektvendim “Për miratimin e strategjisë ndërsektoriale të drejtësisë për të mitur 2022-2026, të planit të saj të veprimit dhe të pasaportës së treguesve”.

Fig.2: Projektaktet e konsultuara gjatë vitit 2022, sipas planifikimit në PPAP 2022



#### 2.1.2 Sa akte janë konsultuar dhe sa jo?

Të 3 (tre) këto projektakte i janë nënshtruar konsultimit publik. Pra, nga aktet e planifikuara për t'u konsultuar gjatë kësaj periudhe raportimi, janë konsultuar 100% e tyre.

#### 2.1.3 Sa ligje me raport VNR-je janë konsultuar?

2 nga projektaktet të cilat i janë nënshtruar procesit të konsultimit publik gjatë vitit 2022 kanë qenë të shoqëruara dhe me raportin e vlerësimit të ndikimit.

#### 2.1.4 Për sa akte në a) Program Analitik, PKIE, Dokumenta strategjik janë përdorur kriteret përjashtuese nga konsultimet publike? Cilat janë arsyt kryesore për të mos u konsultuar (nëse do të kishte të tilla)

Në zbatim të nenit 1 të ligjit nr.146/2014 “Për Njoftimin dhe Konsultimin Publik” përcaktohet shprehimisht se ky ligj rregullon procesin e konsultimit publik për projektligjet dhe projektdokumentet strategjike kombëtare dhe vendore, dhe për pasojë nga ana jonë konsultimi publik është parashikuar të realizohet vetëm për projektaktet që kanë detyrimin për t'u nënshtruar këtij procesi në përputhje me parashikimet e nenit 1 të ligjit të lartpërmendur. Ndërsa

në nenin 4 të ligjit “Për njoftimin dhe konsultimin publik” është parashikuar lista e projektakteve që nuk i nënshtrohet procesit të konsultimit publik, siç janë çështjet e sigurisë kombëtare që përbëjnë sekret shtetëror, marrëveshjet ndërkombëtare, aktet normative të KM me fuqinë e ligjit, emergjenca civile dhe çështje të tjera të parashikuara me ligj.

Janë planifikuar për konsultim publik vetëm projektligjet dhe projektdokumentat strategjikë duke përjashtuar projektvendimet në përputhje kjo me parashikimet e ligjit për njoftimin dhe konsultimin publik.

Referuar PPAP 2022, në total kanë qenë të parashikuara për tu miratuar 29 projektvendime nga të cilat 9 prej tyre janë objekt i konsultimit publik. Për 2 aktet e parashikuara në PKIE 2022-2024 nuk janë aplikuar kriteret përjashtuese nga konsultimit publik.

Kriteret përjashtuese janë përdorur për 1 akt të parashikuar në dokumentat strategjike të sektorit.

*2.1.5 Cila ishte struktura e akteve të konsultuara (sa projektligje, VKM, rregullore ministrore, etj.)?*

Gjatë vitit 2022 i janë nënshtuar konsultimit 2 (dy) projektligje dhe 1 (një) projektvendim.

*Fig.3: Projektakte të konsultuara gjatë vitit 2022, sipas përfshirjes në PPAP*



## **2.2. Metodat e konsultimit**

Metodat e përdorura për konsultimin publik gjatë kësaj periudhe ishin 2 (dy):

1. konsultimi në faqen zyrtare të konsultimit publik,
2. tryeza të konsultimit me ekspertë/takime online,

Një projektligj dhe një projektvendim të planifikuara për konsultim publik iu nënshtuan dy metodave të konsultimit, përmes RENJK dhe tryezave të konsultimit.

*2.2.1 Cilat ishin metodat më të përdorura të konsultimit? (Jepni numrin e konsultimeve të kryera për secilën metodë - regjistrin elektronik, postën elektronike, faqet e internetit, takimet publike, komitetet këshilluese, etj.)*

Të 3 (tre) projektaktet e planifikuara për konsultim gjatë vitit 2022, u konsultuan përmes konsultimit në faqen zyrtare të konsultimit publik:

- Projektligji “Për disa shtesa dhe ndryshime në ligjin nr.133/2015 "Për trajtimin e pronës dhe përfundimin e procesit të kompensimit të pronave”<sup>1</sup>;
- Projektligji "Për organizimin dhe funksionimin e shërbimit përmbartimor gjyqësor shtetëror”<sup>2</sup>;
- Projektvendimi “Për miratimin e strategjisë ndërsektoriale të drejtësisë për të mitur 2022-2026, të planit të saj të veprimit dhe të pasaportës së treguesve”<sup>3</sup>




Fig. 4: Metodat e konsultimit publik

Pra, 100% e akteve të planifikuara gjatë vitit 2022 u konsultuan nëpërmjet Regjistrimit Elektronik për Njoftimet dhe Konsultimet Publike.

Gjithashtu, dy nga aktet e planifikuara për konsultim gjatë vitit 2022, u konsultuan përmes tryezave të konsultimit me ekspertë të realizuara nga grupi i punës së hartimit të akteve/takimeve online:

- Projektligji “Për disa shtesa dhe ndryshime në ligjin nr.133/2015 "Për trajtimin e pronës dhe përfundimin e procesit të kompensimit të pronave”;
- Projektvendimi “Për miratimin e strategjisë ndërsektoriale të drejtësisë për të mitur 2022-2026, të planit të saj të veprimit dhe të pasaportës së treguesve”.

Pra, 70% e akteve të planifikuara për këtë periudhë u konsultuan nëpërmjet tryezave të konsultimit me ekspertë/takimeve online.

### 2.2.2 Cila metodë konsultimi gjeneroi numrin më të madh të komenteve?

Metoda që gjeneroi numrin më të madh të komenteve ishte ajo e tryezave të konsultimit. Numri i komenteve përmes konsultimit publik nëpërmjet regjistrimit elektronik për njoftimet dhe

<sup>1</sup> Shih në <https://konsultimipublik.gov.al/Konsultime/Detaje/448>

<sup>2</sup> Shih në <https://konsultimipublik.gov.al/Konsultime/Detaje/476>

<sup>3</sup> Shih në <https://konsultimipublik.gov.al/Konsultime/Detaje/551>

konsultimet publike ishte 0 (zero) dhe përmes konsultimit me ekspertë të realizuara nga grupi i punës për hartimin e projektakteve ishte 40 (njëzet e pesë)<sup>4</sup>.




Fig. 5: Numri i komenteve sipas metodave të konsultimit

*2.2.3A organizoi ministria gjithashtu disa konsultime paraprake në fazat e hershme të hartimit? Nëse po, në sa raste?*

Drejtorja e Përgjithshme e Kodifikimit dhe Harmonizimit të Legjislacionit nuk ka realizuar konsultime paraprake për projektligjet dhe projektvendimin të sipërcituar. Tryezat e konsultimit me ekspertë janë realizuar nga ana e strukturës përkatëse në lidhje me Strategjinë Ndërsektoriale për të Mitur.

### 2.3.Kohëzgjatja e konsultimeve

*2.3.1Sa konsultime ishin të hapura për 20 ditët e kërkuara? Cila ishte periudha më e gjatë apo më e shkurtër e kohëzgjatjes?*

#### **Projektligji “Për disa shtesa dhe ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”**

Konsultimi në Regjistrin Elektronik për Njoftimet dhe Konsultimet Publike u realizua në përputhje me përcaktimet në nenin 15 të ligjit.

Konsultimi elektronik për projektligjin “Për disa shtesa dhe ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”<sup>5</sup>, u zhvillua me kohëzgjatje prej 20 ditësh pune, nga data 01.04.2022-03.05.2022.

Për këtë projektakt janë zhvilluar dhe tryeza konsultimi:

<sup>4</sup> Informacion nga Drejtorja e të Drejtës Publike dhe Drejtorja e Përgjithshme e Politikave.

<sup>5</sup> Shih në <https://konsultimipublik.gov.al/Konsultime/Detaje/448>

**Në datë 11 dhe 12 prill 2022** u organizuan takime konsultative me ekspertë të fushës dhe pedagogë me qëllim diskutimin mbi përmbajtjen e projektligjit dhe marrjen e kontributit të tyre.

**Në datë 21 prill 2022** u zhvillua takim konsultativ me gjyqtarë të Gjykatës Administrative, të Rrethit Gjyqësor dhe Gjykatës së Lartë, ndërsa **në datë 22 prill** u zhvillua takim me avokatë mbi projektligjin.

Gjatë këtyre takimeve u diskutuan çështjet kryesore që lidhen me projektaktin dhe pjesëmarrësit ofruan kontributin e tyre përmes komenteve dhe sugjerimeve, të cilat janë vlerësuar nga struktura përgjegjëse në Ministrinë e Drejtësisë.

**Në datë 26 prill 2022** u organizua takim me grupet e interesit dhe përfaqësues të shoqatave të ish-pronarëve, të cilët përcollën mendimet dhe sugjerimet e tyre mbi projektaktin.

Kontributet që janë përcjellë në kuadër të procesit të konsultimit dhe përmirësimit të përmbajtjes së projektligjit, nga institucionet e interesuara nëpërmjet postës elektronike drejtuar Ministrisë së Drejtësisë, me anë të regjistrit elektronik në adresën <http://www.konsultimipublik.gov.al>, në adresën postare të Ministrisë së Drejtësisë, Bulevardi “Zogu I-rë”, Tiranë, si dhe në tryezat e konsultimit të zhvilluara në Ministrinë e Drejtësisë, janë mbledhur nga struktura përkatëse në Ministri.

Përgjatë këtyre tryezave të konsultimit, Ministria e Drejtësisë dhe ekspertët e fushës që janë përfshirë në procesin e draftimit të projektakteve kanë dhënë të gjitha shpjegimet dhe sqarimet e mundshme në nivel teknik për komentet apo sugjerimet e dhëna përgjatë takimit nga pjesëmarrësit. Ky projektligj u miratua në mbledhjen e datës 20.07.2022 të Këshillit të Ministrave me nr.515 dhe në vijim është depozituar në Kuvend ku është miratuar me ligjin nr.77/2022.

### **Projektligji "Për organizimin dhe funksionimin e shërbimit përmbartimor gjyqësor shtetëror"**

Në zbatim të nenit 7 të ligjit nr.146/2014 “Për njoftimin dhe konsultimin publik” projektligji “Për profesionin e ndërmjetësit të pasurive të paluajtshme” është publikuar në portalin e Regjistrat Elektronik për Njoftimet dhe Konsultimet Publike për periudhën 20.06.2022-18.07.2022. Gjatë kësaj periudhe projektakti ka patur 623 vizitorë dhe nuk është përcjellë asnjë koment përmes platformës së regjistrat elektronik.

Projektligji është hartuar nga Ministria e Drejtësisë në bashkëpunim të ngushtë me Drejtorinë e Përgjithshme të Përmbartimit. Në përfundim të këtij procesi projektligji i është nënshtruar konsultimit publik përmes publikimit të tij në Regjistrin Elektronik për Njoftimet dhe Konsultimet Publike dhe dërgimit për mendim disa institucioneve.

Projektakti është konsultuar me të gjitha grupet e interesit duke përfshirë Ministrinë e Financave dhe Ekonomisë, Ministrinë e Brendshme dhe Këshillin e Lartë Gjyqësor, ku këto të fundit kanë shprehur dakordësinë e tyre në përfundim të procesit të bashkërendimit të projektligjit.

Projektligji “Për organizimin dhe funksionimin e shërbimit përmbartimor gjyqësor privat” u miratua në mbledhjen e Këshillit të Ministrave të datës 26.10.2022 me nr.674 dhe është depozituar në Kuvend në datë 27.10.2022.

## **Projektvendimi “Për miratimin e strategjisë ndërsektoriale të drejtësisë për të mitur 2022-2026, të planit të saj të veprimit dhe të pasaportës së treguesve”**

Konsultimi elektronik për projektvendimin “Për miratimin e strategjisë ndërsektoriale të drejtësisë për të mitur 2022-2026, të planit të saj të veprimit dhe të pasaportës së treguesve” u zhvillua me kohëzgjatje prej 20 ditësh pune, nga data 16.11.2022-16.12.2022.

Për këtë projektakt janë zhvilluar dhe tryeza konsultimi:

1. 30.03.2022 Takim konsultativ online për hartimin e Strategjisë Ndërsektoriale të Drejtësisë për të Mitur 2022-2026 dhe të Planit të Veprimit të Drejtësisë për të Mitur.
2. 15.04. 2022 Takim konsultativ për hartimin e Strategjisë Ndërsektoriale të Drejtësisë për të Mitur 2022-2026 dhe të Planit të Veprimit të Drejtësisë për të Mitur.
3. 20.04.2022 Takim me Komitetin Drejtues Sektorial të Drejtësisë për të Mitur.
4. 08.06.2022 Takim konsultativ për hartimin e Strategjisë Ndërsektoriale të Drejtësisë për të Mitur 2022-2026 dhe të Planit të Veprimit të Drejtësisë për të Mitur.
5. 24.06.2022 Takim konsultativ për hartimin e Strategjisë Ndërsektoriale të Drejtësisë për të Mitur 2022-2026 dhe të Planit të Veprimit të Drejtësisë për të Mitur.
6. 4.07. 2022 Takim konsultativ për hartimin e Strategjisë Ndërsektoriale të Drejtësisë për të Mitur 2022-2026 dhe të Planit të Veprimit të Drejtësisë për të Mitur.
7. 5.07. 2022 Takim konsultativ për hartimin e Strategjisë Ndërsektoriale të Drejtësisë për të Mitur 2022-2026 dhe të Planit të Veprimit të Drejtësisë për të Mitur.
8. 6.07. 2022 Takim konsultativ për hartimin e Strategjisë Ndërsektoriale të Drejtësisë për të Mitur 2022-2026 dhe të Planit të Veprimit të Drejtësisë për të Mitur.
9. 11.11.2022 Takim konsultativ me partner strategjik ndërkombëtar, OJF, shoqëria civile, për prezantimin e e Strategjisë Ndërsektoriale të Drejtësisë për të Mitur 2022-2026 dhe të Planit të Veprimit të Drejtësisë për të Mitur.
10. 21.11.2022 Takim lidhur me prezantimin e gjetjeve dhe rekomandimeve të “Hulumtim pjesëmarrës mbi perceptimin e fëmijëve në konflikt me ligjin për efektivitetin dhe ndikimin e shërbimit të provës për riaftësimin e tyre në Shqipëri. Ky takim u organizua nga Terre des Hommes në bashkëpunim me Ministrinë e Drejtësisë dhe me Shërbimin e Provës.
11. 25.11.2022 Takim lidhur me leksionin e hapur mbi prezantimin e Strategjisë Ndërsektoriale të Drejtësisë për të Mitur 2022- 2026 dhe të Planit të Veprimit. Ky takim u organizua me ekspertin/pedagogun Prof.Dr. Vasilika Hysi dhe me studentë të masterit ekzekutiv në Kriminologji në Fakultetin e Drejtësisë, Universiteti i Tiranës.
12. 09.12. 2022 Ëorkshop mbi konkluzionet e Projektit Shqiptaro-Suedez të Drejtësisë Penale për të Mitur”, Ministria e Drejtësisë.
13. 14.12.2022 Seancë diskutimi lidhur me Strategjinë Ndërsektoriale të Drejtësisë për të Mitur 2022-2026 dhe të Planit të Veprimit, i organizuar nga Kuvendi me Grupin e Deputetëve “Miqte e Fëmijëve” në bashkëpunim me Ministrinë e Drejtësisë dhe UNICEF.

Kontributet që janë përcjellë në kuadër të procesit të konsultimit dhe përmirësimit të përmbajtjes së projektaktit, nga institucionet e interesuara nëpërmjet postës elektronike drejtuar Ministrisë së Drejtësisë, në adresën postare të Ministrisë së Drejtësisë, Bulevardi “Zogu I-rë”, Tiranë, si dhe në tryezat e konsultimit të zhvilluara në Ministrinë e Drejtësisë/takimet online, janë mbledhur nga struktura përkatëse në Ministri.

Përgjatë këtyre tryezave të konsultimit, Ministria e Drejtësisë dhe ekspertët e fushës që janë përfshirë në procesin e draftimit të projektaktit kanë dhënë të gjitha shpjegimet dhe sqarimet e mundshme në nivel teknik për komentet apo sugjerimet e dhëna përgjatë takimit nga pjesëmarrësit. Ky projektvendim u miratua në mbledhjen e datës 27.12.2022 të Këshillit të Ministrave.

### 2.3.2 Cila ishte kohëzgjatja mesatare e konsultimit?

Kohëzgjatja mesatare e konsultimit për këtë periudhë ishte 8 (tetë) muaj. Kjo përlllogaritje është bërë duke patur në vëmendje kohën (numrin e muajve) gjatë të cilës ka filluar puna për identifikimin e grupeve të interesit, zhvillimin e konsultimeve paraprake, hartimin e draftit, publikimin e tij në RENJK, marrjen dhe vlerësimin e komenteve dhe përgatitjen e një drafti final për secilin projektakt.

### 2.3.3A është përmirësuar situata në krahasim me vitet e kaluara?

Në krahasim me vitin e kaluar situata ka pasur përmirësime të dukshme të procesit të konsultimit, pasi interesi i publikut në procesin e konsultimit publik rezultoi të jetë në rritje.

Gjatë vitit 2022 Ministria e Drejtësisë rezultoi me një shkallë realizimi të procesit të konsultimit publik 100%, por jemi të mendimit se situata lidhur me këtë proces është përmirësuar në krahasim me vitin apo edhe vitet paraardhëse.

Të dhënat e përftuara nga Regjistri Elektronik për Njoftimet dhe Konsultimet Publike tregojnë se është rritur numri i vizitorëve përkatësisht 10098 për vitin 2022 ndërsa për vitin 2021 numri ka qenë 7271. Gjatë vitit 2022 vihet re një interes më i ulët në lidhje me komentet e përcjella përmes platformës së regjistrimit elektronik.




Fig.6: Krahasim i numrit të vizitorëve të RENJK në 2021 dhe 2022



## 2.4. Palët e interesit të përfshira

### 2.4.1 Sa palë interesi të jashtme morën pjesë në grupet e punës për hartimin e akteve gjatë vitit? Sa eksperte ishin në tryeza?

Gjatë vitit 2022 aktorët pjesëmarrës ishin kryesisht ekspertë të fushës, përfaqësues të institucioneve shtetërore, gjykatat, avokat, Këshilin e Lartë Gjyqësor, grupet e interesit dhe përfaqësues të shoqatave të ish-pronarëve, pedagogë të Fakultetit të Drejtësisë. Numri total i pjesëmarrësve që kanë kontribuar për hartimin e 3 (tre) projektakteve të konsultuara gjatë vitit 2022 ka qenë 60 (gjashtëdhjetë)

Konkretisht, në projektligjin “Për disa shtesa dhe ndryshime në ligjin nr.133/2015 "Për trajtimin e pronës dhe përfundimin e procesit të kompensimit të pronave”, procesi i hartimit u shoqërua nga një komunikim shumë intensiv bashkëpunimi ndërmjet institucioneve të përfshira, dhe 4 (katër) ka qenë numri i ekspertëve pjesëmarrës në grupin e punës.

Në lidhje me projektligjin “Për organizimin dhe funksionimin e shërbimit përmbartimor gjyqësor privat”, projektakti është konsultuar me të gjitha grupet e interesit duke përfshirë Ministrinë e Financave dhe Ekonomisë, Ministrinë e Brendshme dhe Këshillin e Lartë Gjyqësor, ku këto të fundit kanë shprehur dakordësinë e tyre në përfundim të procesit të bashkërendimit të projektligjit.

Në lidhje me projektvendimim “Për miratimin e Strategjisë Ndërsektoriale të Drejtësisë për të mitur 2022-2026 të planit të saj të veprimit dhe të pasaportës së treguesve” procesi i hartimit u shoqërua nga një komunikim shumë intensiv bashkëpunimi ndërmjet institucioneve të përfshira dhe grupeve të interesit, dhe 5 (pesë) ka qenë numri i ekspertëve pjesëmarrës në grupin e punës.



Fig.7: Pjesëmarrja e ekspertëve në grupet e punës

### 2.4.2 Cila ishte struktura e anëtarëve të jashtëm të grupeve të punës (ekspertë individual, OSHC, kompani, etj.)

Për konsultimin e projektligjeve gjatë vitit 2022, pjesëmarrësit në tryezat e konsultimit ishin:

- ekspertë individual,
- përfaqësues nga organizatat ndërkombëtare në Republikën e Shqipërisë, dhe
- përfaqësues nga institucione publike të pavarura apo institucione të varësisë.

#### 2.4.3 Sa palë të interesuara morën pjesë/dhanë komente në konsultime të hapura të bëra për projekt-akte në vitin e caktuar?

Gjatë procesit të konsultimit, kryesisht të gjithë pjesëmarrësit në tryezat e konsultimit kanë qenë aktivë duke dhënë sugjerime dhe komente, në drejtim të përmirësimit të cilësisë dhe përmbajtjes së projektakteve. Numri total i pjesëmarrësve që kanë kontribuar për hartimin e 3 (tre) projektakteve të konsultuara gjatë vitit 2022 ka qenë 9 (nëntë).

Gjithashtu në të shumtën e rasteve komentet dhe rekomandimet e tyre janë përcjellë edhe me shkrim (në rrugë zyrtare apo nëpërmjet komunikimit elektronik), pas zhvillimit të tryezave përkatëse.




Fig.8: Numri i komenteve në tryezat e konsultimit për secilin projektakt

#### 2.4.4 Cila ishte struktura e kontribuesve në konsultimet publike, sa persona, sa persona juridikë (ndërmarrje, shoqata, etj.)?

Pjesa më e madhe e komenteve janë përcjellë kryesisht nga përfaqësues të institucioneve shtetërore, por dhe nga pedagogë apo shoqata të ndryshme.

#### *2.4.5 A është përmirësuar situata në krahasim me vitet e kaluara?*

Vlerësojmë se situata në krahasim me vitet e kaluara ka ardhur duke u përmirësuar. Kjo gjë konstatohet nga rritja e numrit të pjesëmarrësve në tryezat e konsultimit të organizuara nga Ministria e Drejtësisë. Gjithashtu, edhe një tjetër tregues rezulton dhe nga monitorimi i portalit të Regjistrimit Elektronik për Njoftimet dhe Konsultimet Publike pasi vërehet një rritje e numrit të qytetarëve që ndjekin projektaktet e publikuara në të dhe dërgimi i komenteve përmes kësaj platforme. Numri total i vizitorëve për projektaktet gjatë vitit 2022 ka qenë 10098. Këto të dhëna janë trajtuar dhe grafikisht përkatësisht në figurën nr.6

## **2.5.Rekomandimet dhe komentet e marra**

Gjatë vitit 2022 kontributet e mbledhura në kuadër të procesit të konsultimit dhe përmirësimit të përmbajtjes së projektakteve, janë përcjellë nga institucionet e interesuara nëpërmjet postës elektronike drejtuar Ministrisë së Drejtësisë, me anë të regjistrimit elektronik në adresën <http://www.konsultimipublik.gov.al>, në adresën postare të Ministrisë së Drejtësisë Bulevardi “Zogu I-rë”, Tiranë, si dhe nëpërmjet komenteve të drejtpërdrejta në tryezat e konsultimit të zhvilluara në Ministrinë e Drejtësisë.

#### *2.5.1 Sa është numri i rekomandimeve dhe komenteve të marra gjithsej dhe mesatarja për çdo konsultim?*

Përmes faqes së konsultimit publik nëpërmjet regjistrimit elektronik për njoftimet dhe konsultimet publike nuk ka patur komente dhe përmes konsultimit me ekspertë të realizuara nga grupi i punës për hartimin e projektakteve ishte 67 (gjashtëdhjetëeshtatë).

#### *2.5.2 Sa prej tyre u pranuan, u pranuan pjesërisht ose u refuzuan?*

Për Projektligjin “Për disa shtesa dhe ndryshime në ligjin nr.133/2015 "Për trajtimin e pronës dhe përfundimin e procesit të kompensimit të pronave”, të konsultuar gjatë vitit 2022 numri total i komenteve të përcjella ka qenë 25 (njëzetepesë), prej të cilave:

- 6 janë pranuar plotësisht
- 12 janë refuzuar plotësisht
- 7 janë pranuar pjesërisht .

Për projektvendimin “Për miratimin e strategjisë ndërsektoriale të drejtësisë për të mitur 2022-2026, të planit të saj të veprimit dhe të pasaportës së treguesve”, të konsultuar gjatë vitit 2022 numri total i komenteve të përcjella ka qenë 42 (dyzetedy), prej të cilave:

- 26 janë pranuar plotësisht
- 14 nuk janë pranuar
- 2 janë pranuar pjesërisht

## Numri i komenteve të pranuar dhe të refuzuara




Fig. 9: Numri i komenteve të pranuar dhe refuzuara

Pra, 45% e komenteve përcjella gjatë procesit të konsultimit publik të projektakteve janë pranuar, 40% e tyre janë pranuar pjesërisht dhe 15 % janë refuzuar.

### 2.5.3 Cila është tendenca nëse krahasohet me vitet e kaluara?

Vlerësojmë se situata në krahasim me vitet e kaluara ka ardhur duke u përmirësuar. Kjo gjë konstatohet nga rritja e numrit të pjesëmarrësve në tryezat e konsultimit të organizuara nga Ministria e Drejtësisë. Gjithashtu, edhe nga monitorimi i portalit të Regjistrimit Elektronik për Njoftimet dhe Konsultimet Publike vërehet një rritje e numrit të komenteve të përcjella nga qytetarët përmes kësaj platforme.

### 2.5.4 Sa raporte të VNR-së janë ndryshuar/përditësuar në bazë të informacionit/të dhënave të marra gjatë konsultimit publik?

Gjatë vitit 2022 janë konsultuar vetëm 2 (dy) akte të cilat shoqërohen me VNR.

### 2.5.5 Ndarja e praktikave më të mira nga procesi i konsultimit publik për periudhën e fundit

Nga praktikat më të mira për procesin e konsultimit publik mund të përmendim projektligjin “Për disa shtesa dhe ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, si dhe projektvendimin “Për miratimin e strategjisë ndërsektoriale të drejtësisë për të mitur 2022-2026, të planit të saj të veprimit dhe të pasaportës së treguesve” për të cilin rezultoi të kemi konsultime paraprake, tryeza konsultimi si dhe publikimin e projektaktit në portalin e RENJK. Përdorimi i disa mënyrave të konsultimit ka shtuar mundësinë e hartimit të një politike më efektive në këtë rast.

## 2.6. Rezultatet e raporteve të konsultimeve

### 2.6.1 Sa raporte konsultimesh publikoi ministria?

Ministria e Drejtësisë ka hartuar dhe publikuar publikuar në portalin e regjistrimit elektronik për njoftimet dhe konsultimet publike (RENJK) raportin e konsultimit për një nga projektaktet konkretisht:

- Raport konsultimi për projektligjin “Për organizimin dhe funksionimin e shërbimit përmbartimor gjyqësor shtetëror”

### *2.6.2 Nëse disa nuk u botuan, cilat janë arsyet?*

Për vitin 2022 Ministria e Drejtësisë ka hartuar raporte konsultimi për të gjitha projektaktet për të cilat ishte planifikuar procesi i konsultimit publik, ku 1 (një) prej tyre është publikuar në portalin e regjistrimit elektronik për njoftimet dhe konsultimet publike (RENJK). Në lidhje me mos publikimin e raportit tjetër kjo ka ndodhur për fakt të mos përcaktimit të koordinatorit të ri për konsultimin publik pranë Ministrisë së Drejtësisë.

### **2.7 Vetëvlerësimi i institucionit në lidhje me Indeksën e cilësisë së performancës institucionale në përputhje me kërkesat e ligjit për njoftimin dhe konsultimin publik (Jepni informacion për rezultatin mesatar për të gjitha aktet e institucionit, subjekt të konsultimeve publike, bazuar në pikët e rezultateve**

Projektligji “Për disa shtesa dhe ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave” 8.

Projektligji “Për organizimin dhe funksionimin e shërbimit përmbartimor gjyqësor shtetëror” 8.

Projektvendimi “Për miratimin e strategjisë ndërsektoriale të drejtësisë për të mitur 2022-2026, të planit të saj të veprimit dhe të pasaportës së treguesve” 8.

Institucioni vlerëson se konsultimi i këtyre projektakteve ka qenë në nivel shumë të mirë. Për këto projektakte janë përdorur dy metoda të konsultimit publik përkatësisht, publikimi në faqen zyrtare të konsultimit publik, tryeza të konsultimit me ekspertë/takimi online.

### *3. Sfidat, rreziqet kryesore dhe mundësitë për të ardhmen*

Sfidat kryesore që paraqet konsultimi publik lidhen më së shumti me gjithëpërshirjen e publikut në këtë proces. Ende nuk reflektohet qartësisht një kulturë e angazhimit në proceset e hartimit të politikave. Megjithë përpjekjet dhe mundësitë e ofruara nga Ministria e Drejtësisë, ende nuk ka përfshirje aktive të publikut në procesin e dhënies së rekomandimeve apo qëndrimeve për përmbajtjen e projektakteve që hartohen. Për periudhën e ardhshme, me qëllim përmirësimin e procesit, organizimi i konsultimeve është planifikuar të orientohet edhe më shumë përmes informimit më aktiv të publikut për përfshirjen në procesin e konsultimit publik. Mendojmë se për të përmirësuar procesin e konsultimit publik dhe për të siguruar një përfshirje sa më të madhe të publikut në këtë proces, është e nevojshme dhe zhvillimi i trajnimeve mbi procesin e konsultimit publik për të gjithë punonjësit që merren me hartim legjislativ. Kjo do të mundësonte një njohje dhe përdorim edhe më të mirë e të shtuar të metodave gjatë procesit të konsultimit publik.